

یوم الهمدم گونونوندن 90 ایل سووشدو ؛ بقیع قبرستانی نجه تخریب اولدو؟

بقیع قبرستانی نین تخریبیدن اول، مدینه ده دفن اولان ائمه نین و بؤوکلرین قبری اوستونده گونیدلر و بنالار واریدی. بقیعه اولان اماملار سککیز ضلعی اولان بؤوک بقعه ده مدفون ایدیلر.



بقیع قبرستانی نین تخریبیدن اول، مدینه ده دفن اولان ائمه نین و بؤوکلرین قبری اوستونده گونیدلر و بنالار واریدی. بقیعه اولان اماملار سککیز ضلعی اولان بؤوک بقعه ده مدفون ایدیلر.

آما 1344 هجری قمری ایلینده بو قبرستان وهابیلرین الی اینن تخریب اولدو. دونیادان آز اولکه سینده حجاز کیمی اسلام صدریندن قالان یادگارلار وار نییه کی اسلامین باشلانیشی اوردان اولوب و بو اوزدن اسلام صدریندن بو منطقه ده چوخو یادگارلار قالیب. آما وهابیتین اسلامین اصلی اینن مشکلو اولدوغونا گؤره بو اثرلرین چوخو آرادان آپاریلیب.

وهابیلر حجاز منطقه سینده حاکم اولاندان سونرا مدینه نین قبرستاندانین تخریبیدن علاوه قبرلرین اوستونده اولان اثرلری ده آرادان آپاردیلار. بو جریاندا امام حسن مجتبی (ع)، امام سجاد (ع)، امام محمدباقر (ع) و امام جعفر صادق (ع) مبارک قبرلری داغیدیلدی. اولار ائمه نین قبریندن علاوه، خانم فاطمه زهرا (س) منسوب اولان قبر، حضرت ام البنین (س)، پیغمبری عمیسی عباس، پیغمبرین (ص) اوغلو ابراهیم، امام صادقین (ع) اوغلو اسماعیل، پیغمبرین (ص) اوگنی قیزلاری، پیغمبرین سوت آناسی حلیمه سعیده، و پیغمبر زمانی نین شهیدلری نین قبرلری کیمی آیری قبرلری ده داغیتدیلار.

مکه، مدینه، جده و کربلادا قبرلرین تخریبی

وهابیلر 1343-جو هجری قمری ایلینده مکه شهرینده حضرت عبدالمطلب (ع)، ابی طالب (ع)، حضرت خدیجه نین (س) قبرلرینی و پیغمبرین (ص) و خانم فاطمه نین (س) ولادت یئرینی و پیغمبرین (ص) گیزلی عبادت یئری اولان خیزران تورباغینان بیر ائله دیلر. جده ده حوانین قبری و آیری قبرلری داغیتدیلار. مدینه ده نبوی گونبدی توپا باغلا دیلار آما مسلمانلارین قورخوسوندان پیغمبرین (ص) قبرینی داغیتما دیلار. اولار 1343-جو ایلین شوال آییندا بقیع قبرستانینی داغیدیب اوردان اولان نفیس شئیلری غارت ائله دیلر. احد شهیدلری و حضرت حمزه نین قبرینی تورباغینان بیر ائله دیلر.

اولار همان ایل کربلا یا دا حمله ائله دیلر و امام حسینین مطهر ضریحینی یئریندن قازدیلار و تاریخ بویو سلطانلار طرفیندن هدیه اولان چوخو دیرلی شئیلری غارت ائله دیلر و یئددی مین نفره باخین انسانی قتله یئتیردیلر. سونرا نجفه طرف حمله ائله دیلر آما اوردان مغلوب اولوب قاپیتدیلار.